

- 180 His ita susceptis redhibetur gratia missis.
 Considunt pariter, tum sic ait ipse magister:
 'Septimus octavo propior jam praeterit annus,
 Ex quo cum pomis, cum piscibus urbe petitis
 Mensas ornavi, convivas ipse refeci;
 185 Sic vixi monachus claustralibus jura securus,
 Omnia distractis coëmens obsonia gazis.
 Gratia sit vobis, quod sic mihi subpeditastis.
 Afficiar senio, vobis mea cuncta relinquo,
 Ericio rupem, lutro pro piscibus amnem.'
 190 Protinus arrident, collum faciemque remulcent.
 Ut me conspiquunt, confestim talia dicunt:
 'Mirum fit nobis, quid hic castellat in antris?
 Iupus ad lutrum.
 'Dum sprevit stabulum, nostrum divertit ad antrum,
 Et manet insopilis, nostris addictus habenis.
 195 Jure fruor torto, quia vivit tempore tanto;
 Me tenet hujus amor, legirupis ipse vocabor,
 Mane sed officium faciat mihi more suorum,
 Sanguinis ex salice roret siccamina linguae,
 Proluet hic potus spurcamina pectoris hujus.
 200 Hic fossa est ingens, hinc rupes maxima pendens:
 Mergitur in fluvium, mergens educ fugitivum,
 Si scandit rupem, prosternes hunc ab eadem;
 Ne nos inplantet, constans tua cautio curet.
 Tunc mihi carus eris, custos si providus adsis.
 luter.
 205 Hoc sequar, hoc fixo conceptum corde tenebo?
 Armiger ericius, clavata sindone tectus,
 Nec studio citharae, nec musae deditus ulli,
 Fit capitale, lupi citharizans fortia belli,
 Romam, res laetas et prospera quaeque retexens,

183 pepitis A B. 186 cemens A. cemens B.